

Jisu rui khuang gan aju rianra khaeng mei tang "Luai The" tuna kao pat na kabu tut kan the.

Kataan guai luai lou the, kumna kaduang su mei rui kata mei bai mei ta mbei lou mak mei tarou khou mbei lou kan the.

19

Mi khou tei, gaan khat na sini lapat-lagut ngam mak khang rui seal diang lou na Rome mei ri mei guai rui rigaan the.

20

Mi rui ngan mei di tha? Jisu thei suang kan the na cho? Jang si ye da! Tiki ham mak ge, charin mei kiu thu Jisu thei suang mak ge, Ka mei Ring thao dat kan the. Lauthuan kuanzing, reiliang mei tingmik nung roukham

tao tei kalat pat bam mei ta hou the. Jisu tuang ziab nun rui Kaniu rui gut na jao puki Jisu tei bam mak khe.

21

Khou tei n-tu mei pui gaan khat ding na tarou daeng khou kap bam khuane. Khou tei Jisu rui kakhou guang na ariu lou the. Khou tei mi pui tei rui kaluak-kalat nei la na pak tat lana kaziab guai khou din lou the. Jisu 'RING THAO THE', kamei thei mei khou rui ring thao dat

the tuna sa the.

22



Jisu rui ringthao dat mei tang kaziab nun daeng khou guang khuane. Khou tei ziab nun tei rui jotpi zam kaphai-kabaan khou mei ta hou lana kaling na Jisu ring thao dat mei ta lum the. Kumna Jisu rui Peter ta nic kuak lou dat na kaziab guai ta tat tho mi cham hei mei kathui na khou din lou tho tuna sa the. Mi tang tei Jisu kamei rui guang mei bam Tingkao thang ku dat kan the.

23

Jisu Ring Thao Mei

Raguang tuang lat khou rui Pary,

Baibal/Bible khou rui phange

Matthiu 26-28, Luk 22-24, Jahon 13-21

"Nang lat akhou gut lou khou rui gaan mei ti lou e." Kalumlu 119:130

Himei Edward Hughes
Kaba Dinv Louc Mei Janie Forest

Hanc Pat Louc Mei Katasin Kamei
Kaluan Kasiamv Louc Mei Lyn Doerksen

Pary 60 tuang 54

M1914.org

Bible for Children, PO Box 3, Winnipeg MB R3C 2G1 Canada

Nu Lou Mei: Nang rui juanv khang ham mak ge thei nam pat dat lana sin su nu e.

Aniu rui si mei taan lou mei guai na ta Raguang rui thai e. Mi ta tei pap tuna kao e. Pap tuang taanphi thu thei mei e.

Raguang rui nbaan ta hei di kam njian lou lou na Kana Mpou khatna mei ta kros khou nang pap jang nang phaen thei lou khang ndiu kei lou the. Kamei thei lou na Ringthao dat na Tingkao tat kan the. Nang rui kakhou lum lou na nang pap guai kuak lou khang nei ethei, kamei rui guang lou na nang pap kuak lou puni.

Nang, pap khou rui kalai na duak pat ni ethei, Raguang khou kalum tho. Njianmei RAGUANGC, Jisu rui apap jang thei lou na ringthao dat kan mei ta Ai lum the. Alung khou gut lou na apap guai kuak lou o. Kum ethei Ai ni panti kathan suna lung nu khang, nang le Tingkaeng Ringsuang mei panti khou lung ncham khang. Nang khang suna apanti hei lung khang khatnic nang na su khang nkha lou o. Jisu jan khou nei e. AMEN.

Baibal Tingmikpum pana RAGUANG ta kachu o.


Rongmei

Khou tei n-tu mei pui gaan khat rui kachin bam mei ching dang khou kamik dui kei na rianra mei ta jao kuna bam khuane. Jisu tei thei the. Kapui Mary khatnic kamei le Jisu ta Kros khou thang luai lou bam mei dang khou guang the.

1


Tukum na Raguang na Jisu panti khou, hei kum mei pat bam tu cho? Akumna Raguang rui kana ru khou hei kum mei pat khang su bam tu cho? Jisu hei kakhui nai lana cho? Kamei thou cho? Raguang kiu ngam mei taan mak lana tha?

2




Kiu ham mak ge, Raguang thu suai jat mak ge. Kamei khuai mei nic mak ge. Jisu kata mei si mei nun rui kros khou thang luai puni tu mei ka mei thai de. Kamei n-nga na su bam dou, Simeon rui nic mi rianra nic mei lam Mary khou sa lou kan tu e.

3




Jisu ta su luai nic mei hu khou, n-tu mei pui gaan khat rui guang na karim nam gai mei thao dui rui kaphai khou tei lou na kasam rui thut lou khuane. Khou tei kaziab nun rui ta bui su na nsa su man bam tu cho?

4




Mi hei rui juan pat lana lung sic mei guai kang ti nu e tuna sa khuane. Khou tei Jisu rui kamei gai tan tan bam tu e tuna dao khuane. Kalam tho kamei rui Ai ta mbei nic mei taan taan bam tue. Mi lat hei kaziab nun kang kadat khat-khat khuan the.

5




Mi tang tei Jisu ziab runa kanei pang khou rui Juda Iskariot rui Jisu ta sian kangv 30 kang juan kang amu nun khou nu lou the.

6



Jihudi mei tuang kanpat pui ngai khou Jisu rui kaziab nun ta nkham mei taktu tu ncham khuan the. Khou tei kamei rui Raguang ta njian mei nun charin mei Raguang khatnic latrian lam din lou khuane. Kumna Jisu rui ntian le chabuangv tei tii na tu-jang ncham the. Kamei rui mi hei apum/ajan khatnic azei, pap guai kuak lou kang ti mei the. Nang niu rui ning tou bam ni pui tuange tuna sa the.

7




Jisu rui kata nim nic mei lam kaziab nun khou tei ra lou lana, nang niu guai akhou rui pak tat ngam puni the tuna sa the. Khou tei Peter rui Ai tho pak tat nic tu hame tuna dao the. Khou tei nrui khuang liang kathum mak mei hu khou nang ata nu mak liang kathum puni tuna Jisu rui kakhou sa the.

8



Mi tang zing bang guang pu khou Jisu rui Gethsemani pikuan thang kalum kang tat kan the. Mi gan khou tei kaziab nun rui jip thei mang mang na bam khuan the. Tiki Jisu rui kalum the. He Apu, Nang rui nu ethei mi buang hei akhou rui la gan lou o tiki Ai rui ning mei hame, Nang rui ning mei de tuna sa the.

9



Kading khou rui mei kang dai tei Juda Iskariot rui nduanga pikuan khou guang khuan the. Khou tei Jisu rui pak tat mak khuane tiki Peter rui mansei gaan khat pu nu kuan siap taek lou khuane. Jisu rui rei-rei na kanu kuan tei kahi na ti gai lou dat the. Jisu rui kamei ta nim kang guang mei hei Raguang tuang chamraeng de tu mei thai e.

10




Khou tei mei kang dai rui Jisu ta nim na amu kai khou jai guang the. Khou tei Jihudi mei gaan thai nun tei rui Jisu thei nic tuang de tuna sa the. Mi gan khou tei Peter nic kadang naac khou ding bam khuane.

11




Peter rui, naac khou ding bam ti khou tei mei nun tei kata than liang kathum na than khuane. Khou tei Peter nu mak liang kathum khuan the. Jisu rui sa lou mei kumna kamei rui Jisu ta siang na sa kasi luan kathum khuan the.

12



Mi tang tei nrui khuang the. Mi khuan tei Peter kang Raguang khuan kahak kum the. Khou tei kamei rui Jisu lat tei ning tou lana kalung bak na kap the.


13



Jisu ta juan kan mei tang

Juda Iskariot tei pei na kalung kabi the. Kalam thu Jisu tei Kakhui mak ge tu mei kamei thai e. Khou tei kamei rui sian kang 30 tei la dat lana amu nun kang ti han dat the tiki amu nun rui la lou dat mak khe.

14




Juda Iskariot rui sian kang tei nrou kei lou du lana tat kan the kumna kara na thang luai kan the.

15




Amu nun tei rui Jisu ta Rome mei Guangc Pilat hu khou jai guang the. Khou tei Pilat rui mi na ru khou hei Ai, khuai phu pat mak ge tuna sa the. Tiki meikang dai tei rui 'Kata thang luai o! Kata thang luai o!' tuna kao na bam khuane.

16



Nkham khou Pilat rui Jisu ta kros khou thang luai kang latdan pat the. Khou tei rui thao na Jisu ta ri mei guai rui bai thao the, kajao khou tei nsuk lou the, sao builuang rui bai the khatnic sao pirun tei kapi khou run lou the. Kumna kros khou kata thang luai the.

17



Jisu rui hei kum na thei puni tu mei kamei thai khuane. Kamei thei lou mei pan rui thou puni kakhou lum mei guai rui pap kuak lou mei la tou puni tu mei nic thai khuane. Kai hou mei pu gaan nei baan jat-baan dau biak thang kros khou thang bam mei tei gaan khat thu Jisu khou lum lou na paradise thang tat kan the tiki gaan khat thu lum lou mak pui jang rui tat mak khe.

18